



厝前的金銀花

幾年前，佢朋友騎腳踏車遊賞槓仔寮(không-á-liâu)的田庄風光，佇一間人家厝(jîn-ke-tshù)的埕前，看著一大片的藤仔花。朋友問我的花名，我應講：「這是金銀花，會開黃花佢白花，親像黃金佢白銀，才號做金銀花。」我講甲賑賑長，袂輸是專家咧！

其實我毋是專家，遮的話是囡仔時代阮二姆教的。彼陣我放學了後，攏愛牽牛去水窟仔un水。水窟仔邊是青phiàng-phiàng的竹埕(tik-luàh)，閣有幾欖藤仔拋(pha)佇頂頭。藤仔的黃花白花開甲滿滿是，正正是田庄春天的光景。阮二姆拄好對遐經過，我問伊這欖藤仔的名，伊就講出頂面的話，我也共伊記牢牢。

槓仔寮迴轉來，我就佇桃園田庄騎腳踏車四界蹓，走揣我失散幾十年的金銀花朋友。庄跤的小路，人家厝的竹抱跤(tik-phō-kha)，攏揣無伊的影跡。毋死心去花市仔揣看覓，嘛是無。緣未到，人欲老，實在無伊法。

有一工，我過家(kuè-ke)去厝邊兜，伊是活(huàt)樹栽、活花栽的專業農民。我佇伊花績(hue-tsioh)的竹圍看著金銀花，就掠金銀花做話柄(uē-pènn)。

伊按呢講，現時農村衰微(sue-bî)，田園攏園咧拋荒(pha-hng)，竹埕嘛死甲欲罣頭(khùt-thâu)矣。金銀花臭賤(tshàu-tsiān)是臭賤，毋過藤仔拋無路，欲汰討(thài-thó)會活？啊花市仔賣的是樹栽花栽，無人賣藤仔栽。

有影是專家，句句真言。我即時拜託伊共我活(huàt)幾欖，予我轉來栽種。幾個月了後，我就佇程尾花牆種3欖，閣佇厝前的菜園尾種2欖。

一年了後，有影伊拋藤人外懸(lâng-guā-kuân)，金銀雙花嘛開甲滿樹頂，予人看著會心涼脾土開(sim liâng pî-thóo khui)。朋友來厝裡，就笑講我想錢想甲欲起癢去。這有淡薄仔著脈(tiòh-méh)，其實我全心的向望是：金銀雙花滿厝埕，金銀財寶滿厝廳。

作者：邱文錫

☆詞彙學習☆

【槓仔寮】Không-á-liâu：新北市貢寮區的原地名。

【un水】ūn-tsuí：在水裡泡澡。

【竹埕】tik-luàh：狹長的竹林。

【拋】pha：攀爬在樹葉的上頭。

【活】huàt：培育幼苗，包括動物、植物。活樹栽就是培育樹苗。

【花績】hue-tsioh：花圃。

【罣頭】khùt-thâu：植物枯萎到只剩下根部。

【臭賤】tshàu-tsiān：生命力旺盛，容易長大、存活。

【汰討】thài-thó：怎麼，豈是。

【著脈】tiòh-méh：切中事實。

【心涼脾土開】sim liâng pî-thóo khui：心曠神怡。